



KENYATAAN / SIARAN AKHBAR

Untuk maklumat lanjut sila hubungi:

Bahagian Komunikasi Korporat

Perbadanan Putrajaya

Tel: 03-88877033 Faks: 03-88811008



9 NEGARA SERTAI PUTRAJAYA BASE JUMP

PUTRAJAYA, 2 FEBRUARI 2020 –Seramai 34 penerjun daripada 9 Negara membuat aksi pertunjukan terjunan BASE dari paras ketinggian 502 kaki atau aras 40 Kementerian Pembangunan Wanita, Keluarga dan Masyarakat (KPWKM), Presint 4 di program Putrajaya Base Jump 2020.

Majlis perasmian disempurnakan oleh Menteri Wilayah Persekutuan, YB Tuan Haji Khalid Abdul Samad. Turut hadir Ketua Setiausaha Kementerian Wilayah Persekutuan, YBhg. Datuk Hajah Rosida binti Jaafar dan Presiden Perbadanan Putrajaya (PPj), YBhg Datuk Dr. Aminuddin Bin Hassim.

Majlis turut menyaksikan aksi terjunan BASE para penerjun sambil mengibarkan bendera Malaysia, Wilayah Persekutuan, Wilayah Persekutuan Putrajaya, logo Tahun Melawat Malaysia 2020 dan logo Jubli Perak Putrajaya.

Julung kali diadakan, program ini diadakan bersempena dengan sambutan Hari Wilayah Persekutuan Putrajaya, Tahun Melawat Malaysia 2020 dan sambutan Jubli Perak Putrajaya. Selain itu, penganjuran acara sukan ekstrem ini adalah untuk mempromosi Putrajaya sebagai destinasi pelancongan serta bandar mesra sukan dan seterusnya sebagai hab sukan ekstrem.

Putrajaya Base Jump dianjurkan oleh Perbadanan Putrajaya dengan kerjasama ABABIL BASE Jump Club Malaysia. Acara ini disertai oleh 15 peserta daripada Malaysia dan 19 peserta dari negara Amerika Syarikat, Rusia, Indonesia, Estonia, Australia, Jepun, England dan Poland. Berlangsung selama 2 hari bermula pada 1 sehingga 2 Februari, selain terjunan BASE turut dipertandingkan ketepatan mendarat di kalangan penerjun, pameran dan pengenalan sukan BASE, demonstrasi lipatan payung, pertunjukan dan demonstrasi memanah tradisional, jualan F&B di *flea market* dan jualan cenderamata sukan payung terjun.

Perkataan BASE membawa maksud *building* (bangunan), *antenna* (antena), *span* (jambatan) dan *earth* (tebing tinggi) di mana terjunan dilakukan daripada objek tidak

bergerak. Acara sukan ekstrem ini pernah diadakan di Malaysia antaranya di Menara Kuala Lumpur, Menara Taming Sari Melaka, Menara Alor Setar, Wisma Sanyan Sibul, The Shore Melaka dan Gua Damai.

Sebarang maklumat lanjut berhubung Majlis Perasmian Putrajaya Base Jump 2020, sila hubungi Pegawai Media, En. Mohd Fairus Bin Mohd Padzil di talian 03-8887 7347/019-3354346 atau En Ahmad Fazila Othman di talian 03-88877325/012-5761490.

(TENGGU AINA BINTI YTM TENGGU ISMAIL SHAH)

Pengarah

Bahagian Komunikasi Korporat

b.p. Presiden Perbadanan Putrajaya

Tarikh: Januari 2020